

Канон преподобномученику Корнилию, игумену Псково-Печерской обители

Память празднуем 20 февраля (5 марта)

Тропарь, глас 6-й

Пско́во-Пече́рская оби́тель, издревле сла́вная чудесы́ ико́ны Богома́терни, мно́гия и́ноки Бо́гови воспита́, та́мо и преподо́бный Корни́лий по́двигом до́брым подвиза́ся, чу́дную Богома́терь сла́вя, иновёрныя просвеща́я, и́ноки и мно́гия лю́ди спаса́я, оби́тель же свою́ дивно украша́я и огражда́я. Та́мо и му́ченичества вене́ц по мно́гих лётех па́стырства своего́ до́блестне прия́т. Те́мже воспо́им, лю́дие, Христа́ Бо́га и Пречи́стую Его́ Ма́терь возблагодарим, я́ко дарова́ нам преподобному́ченика сла́вна и моли́твенника о душа́х на́ших досто́блаже́нна.

Канон, глас 8-й

Песнь 1

Ирмос: Во́ду проше́д, я́ко су́шу, и египетскаго зла избежа́в, израи́льтянин вопи́яше: Изба́вителю и Бо́гу на́шему по́им.

Припев: Святы́й преподобному́чениче Корни́лие, моли́ Бо́га о нас.

Умиле́ния ми во́ду изле́й, Го́споди, в се́рдце, и ум озари́ досто́йно воспети́ Твоего́ уго́дника, преподо́бнаго Корни́лия.

Святы́й преподобному́чениче Корни́лие, моли́ Бо́га о нас.

Мона́хов наста́вник и учи́тель нелицепри́ятен был еси́ и, Бо́гу сих приводя́, му́ченическим венце́м от земна́го царя́ венча́лся еси́ блаже́нне.

Слава: Христо́вым светолитием просвеща́ем, преподо́бне о́тче Корни́лие, моли́твами твои́ми, преблаже́нне, омраче́нную ду́шу мою́ просвети́, я́ко да воспева́ю тя.

И ны́не: Тишина́ Ты, Влады́чице, и пристани́ще погиба́ющим в мо́ре грехо́в, те́мже к Тебе́ притека́ющих не отри́ни, Присноде́во, но спаси́ Твои́м предста́тельством Богома́терним.

Песнь 3

Ирмос: Небе́снаго кру́га Верхотво́рче, Го́споди, и Це́ркве Зижди́телю, Ты мене́ утверди́ в любви́ Твое́й, желаний кра́ю, ве́рных утвержде́ние, Еди́не Человеколю́бче.

Святы́й преподобному́чениче Корни́лие, моли́ Бо́га о нас.

Просвети́л еси́ лю́ди, и́долом служа́щия, све́том и́стинныя ве́ры, озари́ и нас, грешных, прибега́ющих к Твоему́ заступле́нию, благода́тию от Всеблага́го Человеколю́бца.

Святы́й преподобному́чениче Корни́лие, моли́ Бо́га о нас.

Всем блага́ духо́вныя и телесныя де́я, наве́том злых плоть тво́я умертви́ся со святы́ми же дух твой всели́ся, и ны́не с ни́ми моли́ся Христу́ о нас, преподо́бне.

Слава: Ны́не в безконечную сла́ву прешед от земли́, окаянную ду́шу мою́ страстьми́, преподо́бне, приле́жным очище́нием твое́я моли́твы уврачу́й.

И ныне: Тóчию во хра́ме Твоём, áки в кораблѣ, Тобо́ю окормля́ем, Богоро́дице, избавля́емся ны́не от враг ви́димых и неви́димых и укрепля́емся Твоея́ по́мощию, Присноде́во.

Господи, помилуй (*трижды*).

Ин кондак, глас 2-й

Из мла́да, Корни́лие чу́дный, трудо́м и по́двигом себе́ преда́в, игу́меном Пско́во-Печѣрстей оби́тели поста́влен был еси́, о́бразом ве́ры и по́стническаго жити́я всем быв, мно́гия лю́ди к Бо́гу привѣл еси́. За своя́ же вели́кия добродѣтели за́вистию от злых гони́м, му́ченически ду́шу свою́ Бо́гови преда́л еси́. Того́ ра́ди с ве́рою возопи́им: преподо́бному́чениче Корни́лие достосла́вный, моли́ Христа́ Бо́га спасти́ся душа́м на́шим.

Песнь 4

Ирмос: Услы́шах, Го́споди, смотре́ния Твоего́ та́инство, разуме́х дела́ Твоя́ и просла́вих Твое́ Божество́.

Святы́й преподо́бному́чениче Корни́лие, моли́ Бо́га о нас.

Оби́тель бяше издрѣвле святы́х в Богоздáнней пещѣре, Бо́гу Еди́ному ве́домая, ты же, о́тче Корни́лие, тем подража́я и ме́сто их по́двигов почита́я, мно́жество и́ноков к Бо́гу привѣл еси́.

Святы́й преподо́бному́чениче Корни́лие, моли́ Бо́га о нас.

Не оста́ви, Корни́лие преподо́бне, твои́ми по́тами и трудо́ми возвращѣ́нныя сея́ оби́тели, но охраня́й ю, и́бо и вра́зи тя ви́деша охраня́ющим ю и укрепля́ющим.

Слава: Многоболѣзненныя стра́сти всегда́ врачу́еши присту́пающих к тебе́, благода́ть бо, преподо́бне, при́им от Го́спода, содева́ти зна́мения и чудеса́.

И ныне: Утоли́, Богома́ти, свирѣпствующую бу́рю неве́рия и ожесточе́ния, злы́я стра́сти, поглоти́ти хотя́щия Тя сла́вящих и о́браз Твой почита́ющих, но заступи́ нас моли́твами преподо́бнаго Твоего́.

Песнь 5

Ирмос: Просвети́ нас повеле́нии Твои́ми, Го́споди, и мь́шцею Твоею́ высо́кою Твой мир пода́ждь нам, Человеколю́бче.

Святы́й преподо́бному́чениче Корни́лие, моли́ Бо́га о нас.

Яко ка́мень драгий огради́л еси́ крѣ́пко оби́тель от рáтников злых, преподо́бне, изыма́я и свобожда́я и́ноков от страсте́й и добродѣтельми горе́ возводи́.

Святы́й преподо́бному́чениче Корни́лие, моли́ Бо́га о нас.

Да не оскуде́ют, о́тче, твои́ми моли́твами и́стиннии подви́жницы благоче́стия во оби́тели твоей, но кúпно со святы́м Чудотворце́м Николаем, ему́же охранѣ́ния ея́ ввѣрил еси́, до тру́бы Арха́нгела соблюди́ ю.

Слава: Преподо́бне о́тче, помози́ оби́тели твоей, насѣльникам и всем нам вся ко́зни лука́ваго отража́ти, якоже ты иногда́ отража́л еси́ ви́димыя враги́ и неви́димыя.

И ныне: Мглу страсте́й на́ших разреши́, Де́во, и благода́тною си́лою Сы́на Твоего́ отжени́ врагов кова́рство и наве́ты диа́вола от раб Твои́х, Тя сла́вящих.

Песнь 6

Ирмос: Молитву пролию ко Господу и Тому возвещу печали моя, яко зол душа моя исполнися и живот мой аду приближися, и молюся, яко Иона: от тли, Боже, возведи мя.

Святый преподобномучениче Корнилие, моли Бога о нас.

Пречистыя дом, преподобне, оградил и украсил еси, темже и сам ныне во обители Ея на Небеси и на земли в храме Ея достойно обитаеши.

Святый преподобномучениче Корнилие, моли Бога о нас.

Утеси и утиши нас, сырых, и в добродетели нищих, преподобномучениче, житейскую гордость отревая и молитве истинней научая.

Слава: Соедяв, преславне, душу твою храм Святому Духу, был еси наследник Горняго Царствия, с Вышними Силами и со всеми святыми молися ко Господу о спасении душ наших.

И ныне: Сохрани дом Твой, Богородице, до скончания века и не остави нас, сырых, без Твоея Матерния помощи и предстательства преподобных Твоих.

Господи, помилуй (*трижды*). Слава, и ныне:

Кондак, глас 4-й

Светлый светильник Православия и сугубая Псковския земли защита был еси, многобожие искореняя и люди к Богу наставляя. Дом Богоматери тобою укрепися и прославися, добродетельми же украшен, венец мученика приял еси, поминай нас, чад твоих, и у Господа, преподобномучениче Корнилие.

Икос

Богом возлюбленный игумен изрядный, веры Христовой апостол и мученик, всемилосердый, и нищих питатель, от идолов люди приведый к Богу истинному, вере наставляя и Божия храмы устрояя, во обители Пречистыя монахов множества собрал еси, темже Богоматерь прослави Своя образы делами чудными, ихже свидетель неложен был еси; и ныне же от скорбных обстояний избавляеши, да с верою и любовью поем ти: радуйся, преподобномучениче Корнилие.

Песнь 7

Ирмос: От Иудеи дошедше, отроцы в Вавилоне иногда верою Тройческою пламень пещный попраша, поюще: отцев Боже, благословен еси.

Святый преподобномучениче Корнилие, моли Бога о нас.

Ионы первоначальника, гонителей некогда избешаго, мученичество восприял еси, славне, темже с ним Богу молися, да сохранит обитель вашу невредиму и нас покаянием к вам привлечет.

Святый преподобномучениче Корнилие, моли Бога о нас.

Марк, пустынный, аки Мелхиседек, немощию ты вразуми, Корнилие, о имени своем, его же смирению поревновати научи нас, блаженне.

Слава: Просветив свое сердце, преподобне, монахов был еси наставник, наказуя и уча и всех приводя к Божией воле, поя: отец наших Боже, благословен еси.

И ныне: Да заградятся, Богородице, Твоими молитвами уста лживая и лстивая неведущих над верными покрову Твоего, и спаси всех, Дево, Тебе истинно служащих и Христово иго благое добре несущих.

Песнь 8

Ирмос: Царя Небеснаго, Егѡже поютъ вои Ангельстии, хвалите и превозносите во вся вѣки.

Святѣй преподобномучениче Корнилие, моли Бога о нас.

Вразумляеши живущия в оградѣ твоей, преподобне, являеши им яве и во сне наставляеши, но и всем, молящимся тебѣ, чудно помогаеши и от злыхъ бед избавляеши.

Святѣй преподобномучениче Корнилие, моли Бога о нас.

Моли о нас, преподобне, и не забуди к тебѣ притекающихъ, в скорбехъ и печалехъ сущихъ, подай утешение от твоей раки цельбоносныя.

Слава: Процвел еси яко финикс Давидски, отче, и обитель явился еси Духа Пресвятаго, о нас непрестанно моли почитающихъ верою пречестную память твою, преподобне Корнилие.

И ныне: Векъ скончается, любовь оскудеваетъ, победу лукавый торжествуетъ, и кто намъ помощи можетъ, аще не Ты, Дѣво, Чудная Мати, оградиши Крестомъ Сына Твоего.

Песнь 9

Ирмос: Воистинну Богородицу, Тя исповѣдуемъ, спасеннии Тобою, Дѣво Чистая, с Безлѣтными лики Тя величающе.

Святѣй преподобномучениче Корнилие, моли Бога о нас.

В домѣ Богоматери, якоже в Гефсимани, почиваеши ныне, блаженне, идеже, служа умиление, предстоял еси Престолу Божию смиренно, в вертепе освященному.

Святѣй преподобномучениче Корнилие, моли Бога о нас.

Никтоже неутешен отходит от твоей раки, преподобне, но исцеление душ и телес верующимъ подаеши всегда. изобильно.

Слава: Зриши Божия и Ангельския свѣтлости патриархъ и мученикъ и апостольския красоты, моли с ними Человеколюбца оставление греховъ и жития исправление даровати намъ, преподобне, хвалящимъ тя.

И ныне: Тишина велия бысть в пещере сущимъ, суетъ мира избѣгшимъ святымъ. Ты, о Мати Дѣво, Небесную тишину ниспосли и намъ, Чистая, Тебѣ величающимъ.